

ՊԱՆԴԽՏԻ ԵՐԳԵՐԻՑ

Անծանօթ երկրում, օտար մարդոց մէջ՝
Յաճում եմ հիւանդ սրտով վշտաբեկ.
—Մահագոյժ աշնան տերէններն անվերջ—
Ինձ՝ խեղճիս վրայ՝ ողբում են մէկ-մէկ:

Խաւար գիշերին—երբ քունն են մտած
Վառ երազներով բոլորն էլ հանգիստ—
Պատուհանիս տակ հողմը կատաղած՝
Հիւսում է չարկամ ողբերգը—ինձ վիշտ:

Ունում է ուժգին ու հիւանդ սրտիս.
Քնքուշ լարերն են անգուսպ տատանում,
Տխուր յուզմունքով և թախծոտ լալիս—
—Այրւում է հոգիս, անողորմ տնքում...

Եւ սարսափի հետ սենեակս է մտնում
Սգացող քամին...—Ա՛խ, կեանքս, կեանքս՝
Ոսկէ անսլւրջ էր—չքացաւ անպատում
Շրջիկ հողմի հետ, լալկան նրա պէս:

Եւ քիւր մարդոց մէջ տանջւում եմ մենակ.
Բայց... չեն մօտենում հիւանդ, պաղ մարմնիս.
—Միայն դու, քոյր իմ, գիշեր ժամանակ
Հիւանդ մարմինս գրկում ես՝ լալիս:

Նարգիզ